

小峴山人詩文集

小峴山人詩集卷二十三

無錫秦 瀛凌滄

早春雪後至南禪寺

已看節候入新年出郭衝寒古寺前  
雪徑僧依煨芋火松窗鶴避煮茶煙  
安心只領閒中味聽偈重參定後禪  
解識妙明逢首座鐘魚聲裏埵光圓

首座僧住妙光  
埵下頗解禪理

山遊感舊

乍辭黃篋渡頭船步履聲中古澗邊  
隔水樓臺先得月過橋楊柳半藏煙  
玉簫金管當時夢布襪青鞋此日緣  
前輩風流難再得只將寂寞送華年

周櫟園先生官八閩日得米友仁家居道人硯於  
崇仁之大緣寺今此硯歸玉井道人硯匣鐫有題  
識凡八十二字猶櫟園筆也

曾向崇仁訂古歡米家片石尙流傳只今賴古堂中物  
又入禪房結大緣

題郭華野先生小像

在昔康熙中納蘭明珠執朝柄大冶余國柱實佐之百爾承

使令堂堂華野公豸服司諫諍願爲指佞草抗章論時  
政願爲鷹鷂逐奮迹抑邪橫一旦盡降黜臣直主更

聖厥後高士王鴻緒陳元龍狼狽共爲命公復爲昌言糾彈

不辭更斯人已不作亮節一何勁 國史錄公疏 帝  
語獎忠耿 乾隆中言特命館臣錄公疏入本傳 至今遺像在想見正人正  
洵哉蹇諤臣骨鯁本天性紙上餘風霜再拜獨起敬

題趙太常 崙 蒲圍圖遺像

萊陽趙氏好兄弟

大令擢彤侍御未形並太常曾孫

我與相識今廿年

去年荆溪遇明府

太常子孫曾

飲我罨畫之溪邊酒闌爲出

舊藏冊太常遺貌何儼然當時復社黨人後痛父殉國  
隨虞淵掄才江左最得士頌言一一傳醴泉冰心雪操  
更獨絕盈廷薦牘稱公賢稍遷卿秩號清簡忽中蜚語  
移窮邊公於軒冕等蟬脫蒲圍一個如參禪勞上海上

托夢寐、蜃市變滅，空中煙清風只今。剩鬢髯耳孫奕葉。  
留遺編。太常嘗按試嘉定得醴泉士人多作頌言以紀事

曉起冒雪登惠山坐濮道人齋中有作

夜臥深竹軒更盡聞騷屑曉起開南窗庭堦皓方潔登  
輿出郊門望見九峯雪言過古蘭若巖巒忽幽絕決決  
羅漢泉洞壑砉中裂路滑跣攀援對面失積鐵縹緲至  
人居山扉晝不閉寒禽寂無喧高松偃欲折如坐白玉  
京蒼茫俯城闕以茲清虛景予理誰共晰役役塵事鞅  
惓悵下山別

雪後小憩山園邀草庵僧談禪

入戶悄無人四山皆積雪  
嗒然撫闌楯色相兩俱絕  
忽思道門侶相期共言說  
師從上方來禪誦此時輟  
石磧聞寒泉聲忽幽咽  
心空跡自起身老道轉拙  
了了物我情無生復奚滅  
寂寥曹溪鉢何以味禪悅

游管社山莊二首

適從具區來輟糴傍巖石  
庭戶寂無侶祇見麋鹿跡  
青天但一綫撐空橫絕壁  
天風吹不墮危欲壓顛額  
崩崖忽中斷疑有巨靈劈  
鑿雲通方池飛泉時盪激  
老樹何陰森鸛鶴巢百尺  
紛紜蘿蕙蔓爛斑薜荔積  
門前五湖寬到此反偏窄  
稍稍辨亭午日光逗林隙  
遙聞波濤喧

震駭蕩魂魄深恐清夜游山鬼瞰來客流連我將歸回  
首戀空碧

昔有楊紫淵

維寧

隱居於此間高風不可作夜月愁空山

猶憶十載前偕客凌孱顏悠悠歲云邁事往難重攀陳

子

韶

歸九泉汪君

淮

病閉關世事安可道白髮餘癡頑

以茲謝物役芒屨披茅菅尙喜腰腳健寧憚登陟艱雲  
中兩白鶴飛來相與閒

爲某題邗江雅集圖

春水紅橋繞郭門竹西歌吹舊聞喧三分明月盃中酒  
一曲梅花蘧裏魂曾否風流還憶杜可無薌澤尙留髡

涉江往事昏如夢五十年前雪爪痕

余廿歲時始游揚州有京江王春堂

先生賜余平山堂令子朝鼎朝勳皆有才無年可歎也

### 不寐

不寐何爲者常教兩眼醒祇因愁有種翻覺酒無靈短  
夢渾難覓嚴更只獨聽參橫過夜半燈火對青熒

### 出城看花之作

東風一櫂繫垂楊又著芒屨步野塘莫笑老夫頭雪白  
春來還爲看花忙

### 惠山月夜懷泉齋先生

深洞綠蘿春松風吹白蘋二泉亭上月曾照泉齋人人



去百年遠泉流萬古新我來煮茗坐獨與道心親

山家

言尋石隱者一徑入林霏老樹自今古空山無是非墮  
樵隨葉下去鳥背人飛村酒此時熟負鋤何處歸

題縹雲石圖一首

一峰移得自炎方突兀桐溪古屋旁大帥旌旗秋雨黑  
孝廉亭榭暮雲黃獨留奇石歸賢主猶有英風接大荒  
圖畫也容袍笏拜星精墮地吐寒芒

寄唐禮部受堂

不見唐儀部于今近二年知君窮更甚薄宦早華顛老

父已歸楚病妻還在燕不知餽粥計可有賣文錢

聞陳編修晴巖沒於京師以詩哭之

海昌陳子最工詩況是嶽崎磊落姿誰道一官成斷送  
傷哉伯道更無兒

遺孀弱女在京師淪落從今泣路歧此事應煩富春相

滄江何日返靈輜

晴巖依董相國以居

懷凌泊齋

兵曹天下士少日本孤寒循分偶言事

泊齋監督馬館陳積弊吏議以

越職言事降調遭時偏謫官應緣吏議屈終荷

聖恩寬料汝

能知命卑飛已自安

百舌用西窗韻

百舌破寒弄清曉桃花含笑嬌東風今年人比去年老  
江南春色年年同隙駒坐愁白日速浮蟻肯放清樽空  
床頭金盡莫長歎君子自知能固窮

度姚灣嶺行村落間至華藏寺雜詩六首

花風三月麴塵迷度嶺籃輿歷澗溪兩岸粟留啼不住  
精藍還在亂峰西

犬吠聲中別一邨桃花深處有仙源白雲攔斷紅塵路  
萬頃澄湖直到門

莊嚴古殿枕湖濱  
湖峴俛瞰三州一水環七十二峯濃似染

最高知是洞庭山

礪戶朝朝傍翠微  
催科吏不叩邨扉  
山家莫道貧如洗  
滿逕落花成地衣

滿目青山似北邨  
煙中落日下牛羊  
斷碑重覓王僉事

寂寞寒鴉叫白楊

謂王仲山先生墓

根觸前游一惘然  
鬢絲禪榻颺茶煙  
老僧休話當時事  
歷劫恒河六十年

重游花藏寺不到此已閱五十四年舊日同遊諸  
侶俱已化爲異物

華嚴佛界俛蒼茫  
空翠飛來古道場  
烏鬢盡成黃土夢

青山重到白雲堂，禽聲導客入松塢。  
僧語隔花開竹房，門外太湖三萬頃。  
就中我有釣魚牀。

暮春日作適得石農書

案頭老易苦研微，衰病從知昨夢非。  
海角風光春事盡，天涯朋舊素書稀。  
懶通野水穿花逕，閒看山雲護竹扉。  
只有石農來問訊，三千里外獨依依。

泛舟荆溪用雲林集中餘不溪原韻

荆溪之水涵青蘋，落花隨風餞餘春。  
溪禽知我泛舟入，點點掠波飛近人。  
坐覺煙雲拂几席，對面銅官翻石壁。  
有客入座吹笙簧，清吟句句生古香。

陳景辰迎  
余溪上 溪山勝

景匪余慕再拜重是盧公鄉

將訪盧忠烈故居

徐舍訪陳景辰

晨光動墟里林杪起炊煙言有詩人宅家居瀨水偏風  
騷新研榻淳朴舊山川使約黃公望

謂黃梧岷

相將訪善權

遊善權洞

乾坤無端倪恢詭非意匠開鑿破溟滓百怪難具狀夙  
慕李蟪跡龍巖擬一訪頭白來荆南二沈水方漲弭權  
離墨山挈侶拄筇杖遵塗指後洞坎窞裂層嶂遙聞驚  
瀧喧近接寒瀑漾亂石阻芒屨陂陀隨偃仰轉眴造前  
穴有阜巖闕閃懸崖壓肩背兩翼勢相抗褰裳磴路滑

投趾堂隍廣踏薛愁傾歎捫荔絕依傍豁然開碎窾闌  
入集諸相黑積鏐鐵幽白凝冰雪壯雲根蟠虛無石骨  
露骭鱗潛壑誌馳窺牝谷蝙蝠羈撐空削鍾乳叩雷懸  
玉盎嵐氣中噴薄曦景外滉瀟同游二三子小憩互跌  
宕六極思御列八垓想乘閬稍深徑黝黠歷級迴難上  
俄聞僕夫呼秉炬願前嚮我亦策蹇步賈勇不肯讓側  
身苦偪仄延頸得夷曠巉巖森矛戟穹壁擁屏障石壇  
桃花斑碁枰芝草長於菟怒張吻珍禽高引吭瑰形肖  
龍象變態幻罔兩是何具神力於此獻寶藏山靈作戲  
劇異境迭相餉倏驚雷砰訇又駭水震盪白晝忽淒冷

陰風爲惻愴前睨渺無垠  
瀕洞不可量人言地肺通  
邈與天目侘中有神人居  
夜半聞雞唱深窟藏金庭  
秘室列仙仗斯理頗茫昧  
傳述或非妄蒐奇景彌遠  
討勝神愈王我生乏仙骨  
無緣餐瀼沆終非羨門儔  
欲往轉惆悵跡擬探龍威  
目已迷象罔疑眸漫錯愕  
遊心益恟怍譬諸三神山  
迴颿但可望惘惘覓歸途  
煙鐘出林垓茲遊如夢寐  
回首墮塵障

善權寺

古佛此中住我來尋寺扉  
人隨松徑轉鶴傍石泉飛  
雷火沈蒼莽廚煙出翠微  
茫茫漫叟跡極目但斜暉

寺有李忠



定遺

將至龍池

喬木數十里不辨雲間峯上懸鶴鶴巢下絕麕麕蹤但  
聞竹籬內夾礪泉琤淙孤亭在澗上小憩跌長松松身  
絡朱藤十丈花紫茸山僧忽前揖貽我九節筇從茲歷  
磴上便與初地逢曲徑轉窈窕幽步偏惺忪試尋清淨  
界一洗煩惱胷不見天童師日午聞齋鐘

龍池寺

上界鐘聲下界聞偶穿芒屨破苔紋法華禪窟諸天雨  
咒水神池一鉢雲絕壑煙迷龍氣合危崖松折鶴巢分

圓蒲欲證无生諦無那前山已夕曛

春暮招五弟小飲

花前偶置酒又逢春暮時我姑爲樂耳爾亦一中之雨  
過池上釣日長松下棋頽然遂菴叟世事百無知

偶然作

有客朝來勸輟畊年衰那肯負柴荆茫茫青史千秋在  
渺渺滄洲一榻橫遇事漸能忘物我感時還復念平生  
不知僂僕宮門者何策真能補 聖明

展雲林畫卷漫作

一燈名山入畫圖高風千載想倪迂長松陰裏青牛臥

亂瀑聲中白鶴呼  
煮石何方尋道侶  
采苓無路問仙都  
年來林下觀諸妄  
日日清齋傍藥爐

酬吳穀人用來韻

閉門惟養疾  
案上衛生經  
忽捧故人句  
讀之雙眼青  
知君殘臘夜  
寂寞念柴扃  
又跨揚州鶴  
無緣共插翎  
遲暮崦嵫迫  
平生愧昔賢  
真孤兩朝德  
敢問五湖田  
破屋餘千卷  
名山共一瓊  
他時期過我  
淪茗汲清泉

爲婺源僧眞修題扇

師從黃嶽至  
行腳九峯間  
偶築溪頭屋  
來看雲外山  
隻身容小住  
一鉢已忘還  
試問安禪處  
泐流月上關

陳景辰寄示趙北嵐明府見贈之作卽和北嵐韻  
答之  
東萊盛賢哲每有古人風孤權荆溪返清尊大令同投  
來新句好望入碧雲空回首龍池路名山夢寐中

山齋遣興

葉落秋深上暝煙無人共此好林泉風生遠壑呼猿坐  
月映長松看鶴眠病後心情思學圃老來蹤跡愛逃禪  
隔牆便是維摩室添箇蒲團佛榻前

有感五首

白首甘衰退湖山到處佳何期愁似海卻負酒如淮鄉

里遭蠻貊平原遘虎豺一生憂患裏難免杞人懷  
肘腋生奇變譁聲近 玉墀禁中除猊獠天上下熊貔  
先兆妖星見神威電火馳 聖人方在御端拱厯疇咨  
赤羽連三輔黃塵動兩河憂勞煩 廟算震怒指天戈  
世事侵尋誤民言亦孔訛拊循須卓茂吏治竟如何  
宵旰憂勤日恭聞 詔十行求言如大禹罪已若成湯  
袞職多慚負衡茅尙激昂長沙堪太息涕淚灑衣裳  
河朔圍雖解崎嶇有太行若教探虎穴莫遣度羊腸大  
澤寒煙白長城古戍黃從來天下脊將帥慎周防

吳兔牀一首

拜經老人說經者其學得之盧抱經抱經不作竹汀歿  
餘子落落如晨星我昔巡海過古廟逢君海上之郵亭  
道左一揖便相識知交邂逅成忘形君雖鸞鷖貌奇古  
議論馳騁驅風霆中間踪跡頗契濶祇以音問煩脩翎  
跳丸日月不可駐屢換春鳩并秋螢

歸自京邸

偶泛孤櫂維寒汀東山塢畔白祠下君亦來鼓雙溪舲  
預約春三舉襖事別墅絲竹花間聽誰知此會不易得  
流鶯喚客徒丁寧聞君前月竟西邁舟已藏壑歸沈冥  
君所述作自不朽愚谷有集垂汗青只余後死念逝者  
不免涕淚當風零徐孺墳前梅似雪春水照影何嶺擘

吟詩集 卷二十三  
拜經樓前弔君處君若薤骨吾其銘

江陰晚泊

暨陽城外泊楓柏葉蕭蕭斲岸街殘照橫塘上晚潮魚  
蝦江市近鴻雁海雲遙不識中原路烽煙幾日銷

山齋竹下煮茗

閉戶朝朝對此君爐香深處斷聲聞偶攜陸子泉邊水  
來煮黃公澗上雲舉世蜩蟬徒沸耳空山鸞鶴自成羣  
不知活火松風裏煙月何人肯並分

冬日置酒賞菊

頻呵几上硯池冰欲寫新詩苦未能臘近江鄉逢小雪

夜闌山館映疎燈酒真世上忘憂物菊是人間耐久朋  
我與歲寒先有約尊前不惜醉膏臙

雪後作

雪消遠壑水潺潺如此巖巒已倦攀開徑獨攜缸面酒  
登樓先見佛頭山人來碧碣寒松外夢遠三湘五嶺間  
時夢舊遊無恙貫華高閣在梅花風裏叩禪關

讀放翁詩書後

愛讀龜堂老子詩燈前細雨鬢如絲晚來醉臥茆檐下  
也似山陰被酒時

晚興用前韻寄京師諸子



空齋蕭寂偶思君日下音書了不聞  
暝色日沈滄海樹寒光風捲碧山雲  
長天影外鴉成陣落木聲中雁叫羣  
卻自江南望江北問關魂夢兩平分

茆庵

維摩了無住不礙見禪心水石悟空色  
松風生夕音歸雲妨拄杖落日照彈琴  
欲與梅花語寒山何處尋

惠山寺

行殿蒼涼古佛場迷茫人代記蕭梁興  
衰何與山僧事捫風泉邊話夕陽

丞相書堂水石邊已無溫樹鎖寒煙  
道人夢醒茶聲裏

白掃松毛煮一瓊

湖上晚興

蒼湖水色碧黏天岸葦蕭蕭上莫煙夜火僧歸松際寺  
踈林人繫渡頭船每懷朋舊各千里苦恨流光還幾年  
擬訪金庭尋石屋好從僊洞叩真僊

時有人約  
游洞庭

讀史有感

白衣蒼狗付虛空展讀陳編感慨中田竇勢均常互軌  
陳張交厚苦難終名山有分栖摩詰

王維自稱  
山中人

國扇誰

家寫放翁認取鐵欄連剡曲且歌雨笠喚煙篷

小峴山人詩集卷二十三

小峴山人詩集卷二十四

無錫秦 瀛凌滄

王惕甫六十以詩贈之二首

榜伽石湖上中有著書人業以名山富家安茅屋貧梅  
花香雪海茗芥碧螺春

洞庭山  
茶名

六十平頭日年光一倍

新

知爾談經處終朝對墨琴晚彌堅道力時復動愁心河  
朔兵全解江南雪又深

立春前  
得大雪

吾儕幸安枕好共發清

吟

會鯨堂過訪草堂卽別以詩送之四首

小樓山人詩集 卷二 四  
落梅風裏過柴荆水上扁舟一葉輕  
見我低頭先下拜  
廿年白髮老門生

爾去初彈宓子琴東安小縣楚江陰  
茫茫後會知難必  
話到臨歧淚不禁

浯溪溪水最清冷元道州碑勒翠屏  
知爾攤書官閣裏  
九疑山壓縣樓青

括州南去接東甌孤嶼江心記舊遊  
逢著邦人如問我  
平生已分老菟裘

時鯨堂先  
假歸東甌

主雲上人書來知破迷示叙得詩二首

舊識南屏路千松列翠層  
他年湖上過不見剡中僧

破迷

出家新昌終  
於南屏壑庵

老衲頭如雪松齋禪誦餘飛來雲一片昨得主雲書

正月二十五日作

自分生涯破屋存夢醒烏鵲噪前軒試燈風裏江梅瘦  
上元日立春  
梅花已放煮雪聲中石鼎温欲遣老懷終悶悶暫開

醉眼復昏昏奚奴喚取籃輿至明日天晴準出門

出門

出門何所適四顧殊茫茫遙見山色佳步履沿芳塘岡  
巒帶平楚緒風襲衣裳前邨杏花白林鳥時迴翔卽景  
幽幽目眷此春晝長花下堪置席斗酒無人將所遇希

故物默默祇自傷出門復閉門獨立以傍徨

卽事寄李石農觀察

山齋兀兀與誰同萬事無成一老翁蕭瑟心情蕉葉雨  
凋殘朋舊槿花風乾坤何意留霜鬢身世頻年問釣蓬  
卻憶津門李觀察近來消息阻郵筒

夢中作

千金一刻最良宵欲照紅粧燭屢挑月似得朋成不速  
花非對酒亦無聊笑凭仙客烏皮几醉聽佳人碧玉簫  
聞說藏春春院裏當筵尙舞阿蠻腰

泉上

尋源不可測古磬了無音應自九峰下中涵一脈深曾  
經陸子賞如鼓淵明琴照我霜成鬢寥寥濟物心

溪上

夜雨涇溪夢門前橫釣船沿洞綠楊岸演漾白鷗天一  
笛起遙渚半篙撐曉煙生涯此中好家住五湖邊

君山

渺渺思公子孤峯鎖沈寥夕陽江岸樹飛雨海門潮佛  
閣濤聲撼山城霸業銷女環哀怨意寒笛起漁樵

重過圓覺蒼蒼在江陰君山下憶乾隆甲申冬偕  
王西園表兄端厓弟過此訪琴僧慧海今五十年



矣

歷劫恒河那可論重來應認爪泥痕  
長明燈下頭如雪無恙江光映寺門

舊遊如夢事如煙不到山菴五十年  
寂歷孤琴還挂壁無人同話去來緣

寂寂

寂寂忘言處蕭齋一事無老知聞道淺病已類禪枯靈  
藥名山乞僊禽隔屋呼幽棲吾自得只合號潛夫

惠山作

已慣山中住無人會此心風塵辭物役泉石愜幽尋使

者銜新命明朝返。禁林舊巢無恙在。翻動白雲吟。

問陳雪香學使  
以刑侍被召

### 春日送人赴金陵

秣陵天遠渚雲昏。葉葉風帆下海門。終古寒潮翻石燕。  
半江春雨上河豚。南朝山色新亭沒。北府軍聲故壘存。  
東去鳩茲城畔路。清明挂紙與招魂。

時陳默齋總戎之  
喪自潛江歸蕪湖

### 春盡日戲作得錢字

近來閉戶只高眠。拋卻西神一塢煙。明日尋遊須買醉。  
老夫還有杖頭錢。

家貧老屋兩三椽。郭外難謀十頃田。無計買山春又去。

空庭飛徧沈郎錢

山園卽興

林壑興不極九峰當我楹山雲浮閣起礪水上階平不  
覺塵想滅自然清籟生當年閉門處白髮著書成

先宮  
諭毛

詩日箋成  
於園中

錢裴山視學粵西時曾貽余扇寫橫州海棠橋圖  
附以詩四絕句蓋先淮海公遺跡也余感其意屬  
粵撫謝蘇潭建淮海書院於橫州立石紀事無何  
蘇潭沒而裴山歷官皖撫亦沒矣偶攜是扇感而  
有作

湖上青山拜大蘇

貽扇時余適按察浙江

飛來萬里瘴雲孤題詩

寄扇人何處老淚西風一角圖

高閣

無言倚高閣風雨入闌干盡日少人到碧梧生晝寒好  
遲華月上爲把玉琴彈太息鍾期邈賞音良獨難

落花

東風容易付蹉跎不待聞歌喚奈何如此年光流水去  
耐他詩思夕陽多信陵池館賓朋散翟氏門庭燕雀過  
我自有情忘不得綠陰深處坐坡陀

初夏卽事感興

草長閒堦閉戶深偶逢春盡到園林呼童移簞趺危石  
延客烹茶揀綠陰幾日落花風自掃廿年懷舊夢難尋  
窗前訴與殘鶯曉頭白心情感不禁

青藤書屋歌

青藤故徐文長物今歸山陰孝廉徐九巖兄弟九巖名鴻達

三百年間兩奇士六如生與天池子桃花塢中桃已荒  
只有青藤還未死青藤青藤汝何奇鑑湖之曲稽山厓  
傳是天池舊時物輪囷屈曲蟠虬枝天池昔日入軍府  
捫虱談兵氣如虎布衣名已動公卿縲紲身幾付刀俎  
大乘菴側草如煙此地曾經歸老蓮謂陳老蓮池邊夜夜吐  
光怪明月出海蒼龍纏吁嗟天池骨已朽亭館滄桑亦

何有神物何人爲護持一株留得青藤壽陳家兄弟皆  
璠瑒卜築偏覓天池居青藤一旦落君手金玉滿眼光  
如如青藤詩  
中語不見唐衢讀書處春風亂掃花無語何當  
重作山陰遊渡江卻訪青藤去

不雨

赤雲夾日炙吳牛節序俄驚大火流林缺正當風起處  
山中不見雨來秋雷聲殷地轟旋散虹彩垂天爛未收  
只恐今年中澤雁嗒嗒難覓稻梁謀

苦旱行

梧風颭颭不作雨石鑠江枯奈何許赭雲遮山夾赤烏

禾田龜坼成焦土日午祝融操火鞭朱旂閃閃虹蜿蜒  
豐隆退舍列缺避神龍不敢下九淵旱魃白晝行都市  
渺渺長河涉無豕牆根拋卻脫骨蛇商羊燒殺盡鼯死  
此時斗米五百錢京口估客無來船東南亢旱連數郡  
運數母乃遭屯邇昨夢停舟具區側黑浪黏天四無壁  
狂飈倒捲傾滂沱頃刻川涂深一尺醒來起視星在天  
明月入戶方娟娟五更一丸躍東海三足跳舞車輪懸  
吳中侈靡干天怒小民何辜罹疾苦欲訴真宰箋天公  
寂寂公堂縣官臥

此紀鄰  
縣事

初頤園擢大司馬以暫署江蘇巡撫將過梁溪以

詩迎寄

故人佳訊至喜極倒裳衣已曳尙書履猶驂使者騑言  
將莅吳會不用款荆扉後日官齋畔滄浪話夕暉

巡撫  
廨內

有亭名小滄  
浪宋商邱築

月上

桐陰漏微月照我池上亭湛湛散清影倒映寒潭星遠  
谷縹水白近壑含煙青狂歌者誰子一曲無人聽

早秋與家人夜坐

繞郭西山面翠微幽棲無客到柴扉避人已慣童先懶  
乞米徒勞鶴亦饑萬里秋風鳴劍匣一窗涼月上簾衣



盃盤草草燈前話空說東吳稻蟹肥

寄陶季壽山右

梧桐葉落滿堦除不剪蓬蒿感索居汾水秋風人去後  
吳淞夜雨雁來初思君已作三年別望遠曾無一紙書  
天末音塵隔南北京華消息復何如

謂雲汀

夢遊黃山醒而有作

黃山萬仞尋雲松跨鶴直上天都峯五更月落雞未唱  
夢回聽打南禪鐘

卽興

落葉響溪水颯然秋已殘雲行山意活雨溼竹光寒身

世雙芒屨乾坤一籜冠尙餘心跡在昨夜夢長安

祇樹庵

步屨出東郭言尋溪上庵風聲喧衆壑日色冷寒潭舊

種花成國

庵僧向以種花爲業

今留石作龕南窗爲題句樂處我

猶諳

庵有先泉南先生尋樂處題額

卽興

自返班生廬田園興有餘松窗人讀易石徑鶴銜書隣  
餉烹茶鼎童攜種藥鋤白雲來問訊久與世情踈

自山中歸泛舟蓉湖泊黃埠墩有作

拄杖名山百尺藤晚來孤櫂興堪乘三秋松菊尋元亮

八月鱸葦想季鷹人影散歸江市月鐘聲催上寺樓燈  
遙看暝色昏黃裏猶有迎門白髮僧

知魚檻獨坐

曲闌傍清泠砗磲畔蒼苔長石瀨風中喧秋禽竹間響心  
空與物游意愜非外獎薄暮聞隣鐘東巖月初上

惠山澗道士山房

登山感蕭辰天高瘦羣木閒尋道人居脩廊敞巖腹循  
崖步屢迴梯磴徑彌曲寒泉落幽澗秋磬隔深竹焚香  
入蜂房青精飯初熟澹日忽在地流雲又滿屋不見采  
芝人山中騎白鹿

生涯

杜陵家近郭西門帶水環橋曲繞垣  
楓葉雨聲秋打屋  
菊花燈影夜開樽  
漫尋南國佳人會  
祇酌東籬處士魂  
寂寞生涯思往事  
白頭已分老羌邨

卽事

徑僻少人至自然成小園  
秋晴每不出白日照南軒  
花下偶開甕尊前無與言  
惟聞小兒女笑語隔籬喧

九日登高遲華愷園不至

木落高城萬戶砧  
蕭蕭白髮怯登臨  
長天冷雁橫江海  
大地浮雲換古今  
九日悲秋看菊淚  
百年多病倚樓心

渺然之子期何所獨立蒼茫倚夕陰

同景辰遊惠山寺

清溪幾曲繫寒艘法雨諸天隱鐵幢解脫有緣應作佛

衰遲無術更爲邦

用湛黃惠山書堂句

泉聲轉壑石橫逕嵐氣撲

簾雲滿窗卻憶閉門誦經者一條煙浪隔胥江

謂揚浦

獨坐

不見平生懽獨坐鳴琴歇簷前眾峯暝忽聞清籟發遠壑迴松風踈簾映蘿月窗下適煮茗無人共瑤席

聞某侍郎出鎮塞外

興桓涼葉墮紛紛去逐邊關萬馬羣夜火狐鳴楊業廟

斷碑牛臥李陵墳登樓畫角三城戍度磧寒刁五衛雲  
莫笑書生無寸畧有人新領朔方軍

自惠山晚歸

木樨香裏坐斜曛薄暝山鐘處處聞歸去閒凭石闌坐  
袖中放出九峯雲

題陳蓮汀畫冊

冊後附梁山舟  
先生論書尺牘

三間茅屋閉蒼苔家近詩人顧況臺愛爾臨池揮灑處  
錢唐學士寄書來

聞梁山舟先生病并懷翁覃溪暨姚姬傳周松靈

三先生

學士焚魚早西湖屋半弓問年絳縣老作字晉人工前  
輩看幾盡殘星數欲空北平一叟外落落兩衰翁

景辰過訪無礙山房約遊張公洞有作

無已詩名世少雙又乘小艇到蓉江清尊夜月堪留客  
黃葉秋風自打窗莎徑有心參佛像是日同遊惠山花源何處  
吹仙龍明年預約張公姥去訪金庭百尺砭

贈隱者

聞有幽棲者白雲常繞廬雪中眠抱甕雨後出攜鉏活  
計千竿竹貧餐一畝蔬明朝訪爾去便擬叱牛車

山窗

寒禽媚朝旭啼向山窗前開牖見踈竹下堦間暗泉逝  
者已如此後來誰復然悠悠觀大化萬物任推遷

琴客至同登山樓

木葉蕭蕭南渡頭門前誰繫沙棠舟客攜綠綺來三徑  
我與青山共一樓曲裏瀟湘間落雁夢中身世感浮漚  
晚來喚取巖端月照徹人間萬古愁

鮑綠飲

文博

張芑堂

燕昌

相繼殂謝慨然成咏

短鮑聞先逝癯張近亦殂天都萬卷在

綠飲刻有知不足齋叢書進呈

石鼓一亭孤

芑堂爲余所舉孝廉方正家築石鼓亭錢官詹竹汀爲之記

特奏名俱

重斯人骨易枯夕陽樓上望蕭瑟是西湖

向余議兩人於西湖上



簷前

檐前密竹畧須刪  
拄頰貪看屋後山  
偶坐茆亭讀周易  
白雲滿徑不開關

早起

盥漱未云晏  
始聞隣寺鐘  
孤亭插危石  
隔水見諸峯  
學道悔已晚  
登山情亦慵  
身閒忘去住  
終日倚長松

秋懷三首

自廻山中駕  
歲月忽屢周  
西風入庭樹  
吹作滿屋秋  
蛩蟻鳴我滅  
四壁聲伊憂  
欲招二子寂  
寞無與儔  
有酒只孤斟  
有山恒獨遊  
屋中數千卷  
無人共冥搜  
條然望

寥廓同志不可求庶幾緬古人千載懷前修

迢迢大江濱有縣曰彭澤江光入縣門雉堞踞山脊我

曾過荒祠中祀陶

淵明

與狄

梁公

遺風邈難追茫茫昔賢跡

有子試爲吏權篆縮斯邑方今吏道窳仕路苦荆棘前  
官虧帑藏代者任其責寄言尙慎旃反覆意何極俗媮  
獠乃豐民敝政益劇況聞今年旱山田多磽瘠閭閻困  
徵輸何以掄饑溺勿存傳舍念而弗盡厥職

夙昔縛塵事勞生意恒窘頽齡逼崦嵫始獲息歸軫用

世情猶紆返已道未損益齋九公居

文簡

松菴邵子隱

莊文

流風被百世人往蹟已泯充飢餐藜藿學道采芝菌所

嗟芳蘭歇又恐叢桂隕擬訪巖棲人明發庶云準

讀史有感

伴食頻年白髮存夕陽容易近黃昏已看放逐歸田里  
幾見功名到子孫春夢婆邊尋舊事秋風扇底感前恩  
釣遊無恙東溪路黃葉蕭蕭自打門

溫少司馬箕坡請告還里過訪山齋以詩送別

鷺節向北陸地景亢陰晦寂寞草堂中忽與故人對故  
人初解職奉母離燕塞枉蓋過我廬憶別四五載悵悵  
都門餞復此接罄茲君顏如少壯媿我已衰廢昔年長  
安道車轍沒塵堞今爲山中人白首甘負耒殷勤話舊

歡握手發長慨一從王

文端杰

朱

文正珪

沒賢哲復誰在冠

蓋盛京華落落幾同輩廟堂登夔皋迹亦無悔

君從潞河來行路何悠悠八月遵首塗十月渡淮流南

指五羊城山川還阻脩危灘揚片席北風響颼颼高高

大庾嶺磴确礙行輶韶峰三十六后夔不可求登高叫

虞舜落日蒼梧愁計日梅花開應繫門前舟親朋集間

里雞黍言綢繆回首望薊門漠漠寒雲浮同有魏闕戀

春色盈 皇州

### 山中廢寺

斷碑百尺絡寒藤人代迷茫感廢興剝落金身還號佛

蕭條香火已無僧  
雨昏敗砌留狐跡  
月黑虛廊上鬼燈  
漫說伽藍洛陽記  
晉家宮闕亦榛芳

贈道者

楚人

爾從何處弔湘君  
瓢笠飄然鸞鶴羣  
匣劍光芒騰虎氣  
囊琴斑駁見雷紋  
一尊酒吸三江月  
兩袖煙攜五嶽雲  
我欲從之煮白石  
桃花深洞雨纈紛

雜感四首

朔吹一千里柴門  
吾獨扃雪堆籬外  
白山入酒邊青天  
地存詩骨文章役  
性靈何人傳邸報  
投老戀朝廷

帝語勤求切連番  
下九關俗疲民已  
玩吏蠹法徒繁

皆邸

報中 漫費言官疏終孤 聖主恩羣公應自省莫但咎

黎元

昨遇南來雁尙書有報書

時得韓桂於書

知君當路日念我閉

門居風雨經春別冰霜又歲除自憐巖壑畔經國意何如

曾忝班行舊歸田歷幾春幸當衰老日長作太平民病學无生法窮留未死身敝裘不忍棄爲有 帝京塵

十一月十九日坡公生辰作卽題公三過堂像後今日之日風色惡無人到我城西之高閣瓣香獨拜長帽翁七百年來殊寂寞此圖傳自樵李亭三過堂前古

蘭若當時文丈一彈指公亦遺踪付寥廓憶曾竄謫入  
鬼門溟海蒼茫狎蛟鱷脫身歸買陽羨田茆屋三間慰  
飄泊烏庠大峨眉人不可作玉局風流尙如昨峨眉月  
照玻瓈江雲中應有南飛鶴酒一盃水一勺荒忽我欲  
招公魂公庶來遊大歡噉我亦墮地七十有二年生天  
成佛無因緣世間俗物敗人意安得與公千載長周旋

城南遊

昨日大雪我著狐白裘高歌去作城南遊城南酒樓高  
百尺於此可以消煩憂樓前九龍山宛轉如蒼蚪樓下  
梁溪水韉紋如綠油吳姬雙腕白於玉勸我一飲傾百

歐老夫漫學老羌飲酒盃入手笑不休烹羊炰羔劇  
俗當筵不用羅珍羞但須酩酊意已足神仙富貴非所  
求昔日朱顏照酒盞今日白髮先盈頭黃公壚前舊朋  
侶蒼苔白骨成荒邱人生百年會有盡俛仰身世同浮  
漚齷齪不解孟東野高天厚地乃作詩中囚

寒月

庭烏夜方棲嚴城角聲裏下堦見明月林影卻在地寒  
颼林際來素波吹不起

早春作

平生慙愧負君親投老江湖剩此身夢去再尋京國



小山先生詩集 卷二十四 五  
路歸來四見故園春藥爐經卷剛宜病疎竹寒梅不厭  
貧歲儉尙餘尊酒在好邀羣從話逡巡

七十三歲歌

老夫今年七十三兩鬢白髮絲鬢髮三竿紅日睡未足  
謝病久已休朝參歲饑每食飽藜藿黃面消瘦如瞿曇  
人間名位致不一我之所得良已貪平生夙志乃長負  
許身稷卨徒懷慙腹中輪囷數千卷指畫足擁皋比譚  
時或張吻論世事亦復忼慨頻掀髯祇苦煩聒忤俗聽  
未免有舌還須箝耳聾尙聞鳥聲弄眼暗還辨晨光暈  
年衰未習養生術豈有大壽齊彭聃祇當優游翫物化

俛觀萬類隨飛潛出處進退了可悟休咎不用義爻占  
百年風燈等閒耳達天知命吾何嫌

出郭

閉關終日眼昏昏蕩槳尋遊載一尊遠水碧連花外市  
垂楊綠上郭西門袖中吳下新詩句衣上杭州舊酒痕  
暢好三春少風雨離懷欲共白蘇論

時將遊  
杭州

老境

窗牖斜穿日色紅羞將衰鬢攬青銅愁添三月春殘後  
客散頻年老病中霧裏看書殊草草花前對酒亦匆匆  
間尋世事槐根夢懶聽人言馬耳風遠道札來遲作答

新詩吟就怕求工貪嘆都盡癡猶昔潦倒心情似放翁  
暮春得句

蝴蝶作團乳燕飛河豚雪白笋初肥春風斷送知何處  
滾滾楊花蕩不歸

溪湖看桃花

一櫂前谿路青山兩岸斜春風楊柳外隔水問桃花漁  
父此中住美人天一涯五湖煙浪濶老我便浮家

塘樓弔宋茗香

尙憶茗香子才如太白雄詩魂今未死落魄昔誰同久  
作西泠鬼遺餘北海風墓門看宿草悽斷夕陽中

南屏弔破迷主雲二長老

昔日南屏住同參最上乘如何湖上路不見兩高僧浩劫無今古禪宗有廢興數聲清磬裏遺影法堂燈

語溪

陰陰桑柘石門西柔艣聲中過語溪舊是女陽亭畔路日長聽盡鷓鴣啼

晤項秋子約同遊靈隱寺

武林門外別忽忽又三年不道衰遲日還多見面緣將尋北山路同上西冷船白足棲禪處皈依古佛前

冷泉亭

支頤獨坐冷泉亭入座名山擁翠屏  
一自飛來不飛去朝朝長對寺門青

蘇公祠

水仙祠畔夕陽孤一瓣名香拜大蘇  
七百年來彈指頃

羨公生死住西湖

阮芸臺中丞有長留學士住西湖句

王竹坡別駕招遊弄珠樓得詩八首

時竹坡權平湖縣事

半城風雨半湖煙楊柳陰中塢影圓  
湖上暫停青雀舫有人招手水雲邊

三年不見王曇首不減風流似舊時  
作吏最宜泖水上弄珠樓畔雨絲絲

往事茫茫十六秋三春風雨復登樓清明上已匆匆過  
一片飛花惹客愁

乍浦春帆杳靄間僊人徐福邈難攀煙中一點浮秦駐  
極目蒼茫是海山

一自羊山靖海氛年來已罷水犀軍許齋漳浦無消息

書札何由一寄聞

嘉慶初年海盜方熾往來大羊山小羊山之間乍浦外洋境也余每以軍

事至此時平湖令爲李許齋  
廣芸今官汀漳龍兵備道

別去南康竟九原誰從湖上與招魂桐城一老巋然在

未得同君訪白門

嘉慶四年姚姬傳先生遊武林余與謝蘇潭饒之西湖之上無何謝遷粵

撫去尋歿今不見姬傳者十六  
年矣姬傳竹坡師也語次及之

陳徐昔日一尊同，隣笛山陽涕淚中。招帳當湖故人盡。

酒壚寂寞問黃公。

謂陳春淑副憲徐午亭同年春淑降編修卒於京師徐先以縣令罷官歿

白頭閒倚畫欄前，半日勾留亦勝緣。寄語范公同一慨。

摩挲殘碣復何年。

昔范忠貞巡海過此留一像今尙存并有詩泐壁余舊作七古詩前令劉

君炳亦刻石樓上勾留處三字忠貞刻石西湖之孤山

### 于忠肅墓

巫陽無地問銜冤，石獸悲涼暮雨昏。北狩已教虛社稷。

南遷誰復定中原，曾問密劄爭儲嗣。

公諱廢儲疏今尙存皇史宬

何

意論功賞奪門留得青藤三日哭，空山啼徹杜鵑魂。

青藤

謂徐渭嘗過公墓大哭三日

自武林歸後適屠琴塢過訪草堂欲邀之重遊惠  
山琴塢以有官事辭卽送之還

已歸武林權花落閉門居之子遠相憶停帆過敝廬門  
開三徑竹室有五車書老去百無戀筆瓢常晏如  
投我是程集近詩尤可傳人如元刺史世誦郵漕篇百  
姓久疲瘵長官誰復賢東南財賦地昨歲況無年  
知君有官事孤負碧山春三月花風裏悠悠江上人遙  
思翠屏下適與焦公隣欲訪柳邨去夢懸揚子津

暮春訪山中人

身入白雲塢雲中聞鳥喧落花猶未埽童子正開門山



色恰當屋溪流還繞邨叢篁礙幽步無處覓前軒

立夏後二日作

病裏春歸去柴門寂不開落花池上過舞蝶雨中來  
童子攜茶具隣翁餉臘醅綠陰看正好隨意坐莓苔

余擬刊遂庵日知錄將屬凌泊齋以校勘之役以  
詩代柬

老去精亡久難云著述精還期數年假得見一編成便  
擬付鉛槧終當求友生因之訂譌誤足感助予情

陳景辰書至貽余陽羨新莽汲第二泉水出陳曼  
生趙北嵐雨明府所贈茗器試之邀同凌泊齋劉

芙初施雪帆從弟楞香分體賦詩余得五言六言

絕句各四首

曉起罷盥漱落花滿階除幽禽鳴我前銜得故人書

開緘香滿屋碧筠裏新茗言從陽羨來采自龍池頂

紗帽籠頭坐呼童活火煎已看魚眼過聲沸石闌邊

之子茗上至一卷湘烟綠共咏竹爐詩吟聲出茅屋

泊齋

贈余茗柯先生湘烟錄

獨攜天上國月歸試人間二泉往事漫尋桑苧前身或

是坡仙

余自京師告歸成邸書楹貼贈行有團月攜從天上試取二泉句

各宰山水名縣我羨曼生北嵐製得雙甌持贈應誇勝

事東南

老矣遂菴一叟白頭萬念都灰春盡鷓鴣聲裏溪亭可

有朱來

朱子訪尤文簡於梁溪之上  
築來朱亭文簡有瑞鷓鴣詞

一榻松風謾謾林端鶴避茶煙南牕午夢初醒花氣薰

人破禪

溪上看落花

一片飛來者不知何處花時從溪上路散作水邊霞遠  
向青山盡還隨白鳥斜  
祇疑深洞口日月近僊家

獨坐

獨坐緬寥廓出門無所之得閑惟好道多病轉踈醫偶

買蘭一本已開荷兩枝興來攤畫卷幾幅無聲詩

夢夜游山寺松陰蒙密達寺門始見月寺傍一道  
院磬聲璆然得五言三韻而醒遂足成之

濛濛翳松栝夾路響寒濤及到寺門豁始知山月高林  
光懸佛火梵語雜仙璈不覺景幽絕翻令魂夢勞

卽興

家住松風水月間

松風水月  
祖賜寄暢圖額

聖筍鞦藤杖稱衰顏僊

家有信傳青鳥淺渚無人弄白鷗對客奉看詩骨健逢  
花肯放酒盃閒笑他襦襪歸休者也羨江湖欲買山

題凌泊齋盤溪歸釣圖

八  
山  
言  
集  
卷  
二  
四  
三  
霄溪水接盤溪水一個漁簑弄清泚畫圖粉本趙吳興  
人在吳興畫圖裏昨日新從帝里歸盤溪依舊水香  
肥溪頭鷗鷺如相識已趁秋風早拂衣

把盞

欲償酒券復侵尋挂壁還餘未典琴隱几當風衣榭葉  
卷簾竚月坐藤陰歸來豈有藏山業窮極兼無諛墓金  
聞說朝廷新起廢迥然把盞一長吟

聞初頤園復  
以京卿用

庭竹

拂月梢雲竹數竿一竿高出過簷端低頭我獨拜尊者  
好與主人同歲寒

孤松

林間策策響寒筇踏去青山第幾峰卻問老夫何所似  
石牀牀畔一孤松

題鄭峯陽集二首

天然妙悟證前因不是仙人是化人  
冤獄無端歸大劫可憐滄海亦成塵

生死交情一石齋先生白骨竟先埋  
千秋公論黃南全山沈艾未許時流肆觚排

曬書

牙籤玉軸認遺編插架連牀積幾年  
自歎老來雙眼暗

與君難作百年緣

傳是樓荒竹垞廢苦心藏弄復何如

余藏書岡有傳是樓及竹垞本傳是

樓余外家藏書處竹垞卽秀水朱氏之曝書亭也

憐他近日無人看難免藜殘

飽蠹魚